

温热暑疫全书

清·周扬俊原著

赵旭初点校



上海中医学院出版社

样 本 库

温 热 暑 疫 全 书

清·周扬俊 辑述
赵 旭 初 校点



上海中医学院出版社

1217484

(沪)新登字 206 号

2/55/07

温热暑疫全书

清·周扬俊 撰述

赵旭初 校点

上海中医学院出版社出版发行

(上海零陵路 530 号 邮政编码 200032)

新华书店上海发行所经销

常熟新华印刷厂印刷

开本 787×1092 1/32 印张 8.25 字数 68,000

1993 年 1 月第 1 版 1993 年 1 月第 1 次印刷

印数 1 — 5,000

ISBN 7-81010-189-7/R·188

定价 3.25 元

前 言

《温热暑疫全书》为清代医家周扬俊(禹载)辑述,是以“温热暑疫,皆热证也”立论,专述温病范围内的温、热、暑、疫四类病证,详析其具体辨证施治规律,除采集、选录前贤所论外,复发明四时之气感染各异,温、热、暑、疫与伤寒治法不可相混之理,并附医案二十及医方一百余则,内容颇切实用,对于中医院校师生、内科临床医师以及中西医药研究人员,均有参考价值。

本书共分四卷,即一温病方论,二热病方论,三暑病方论,四疫病方论,列述各种常见温病的临床诊治,理法方药完备,但行文简洁无华,是不多见的较系统全面的温病学专著,惜乎三十余年来竟未刊行。兹据上海卫生出版社一九五七年版本重新校勘标点排印,以应读者急切之需;另增医案、医方索引于后,俾利读者参阅之便也。

上海中医学院 赵旭初

于一九八八年十二月

自序

医之道难矣哉！凡病伤寒最重，温热尤烈。伤寒仅在一时，温热暑疫，每发三季，为时既久，病者益多。苟不明其源，溯流不得清也；不辨其类，疗治不得当也。则温热暑疫，皆热证也。燎原之下，竟乏清凉一滴。人无今昔，性有异同，神酣往圣，志切琳琅。俊以一隙微明，静中索照焉。夫上古圣人，首重色脉，以营之未交已交，定人生死，片言已毕。中古圣人，专论谷气盛衰，定人生死，片言已毕。仲景，叔季圣人也，既立方论，复出不尽之藏，纬以膀胱之伤与绝，定人生死，先后合符，了无剩义矣。乃仲景於《伤寒论》中，温热森森，具载黄芩、白虎等汤，是其治也。后之学者，苟能引伸此意，便可变化不穷，神明千载，不能细察其理，反执以为治伤寒之法。盍思本汤既无外解之功，又无内夺之力，圣人立法，果何谓乎？自晋以来，疑鬼疑蜮，陋沿无知，如崔文行解温，用白芍、乌头、细辛、桔梗四味，更加附子，名老君神明散；更加萤火，名务成子萤火丸。热药相投，以火济火，谁其辨诸？如仲景书，谓太阳病发热不恶寒而渴者为温病；朱肱《活人书》，谓发热恶寒、头身痛者为温病，已悖圣训矣。又云：春秋发斑、咳嗽为温病。至风温治在少阴，其所立五方，如葳蕤汤、知母葛根汤、防己汤、栝楼根汤、葛根龙胆汤，风火相炽，燔灼无休；复改圣散子，仍用附子，表里香燥同之。东坡先生在黄州时，颇称其效。岂知朱肱已三易其方，用败毒散而远热药，然厥功奚减厥罪？吴氏谓伤寒坏病，

更遇温热为温病。洁古老人，伤寒名家也，其子云岐，以伤寒过经不解者为温病，指叔和之言为仲景之文。赵嗣真谓仲景云“重感异气，变为温病”；汪机谓仲景云“遇温气为温病，遇温热为温毒”，竟不顾圣经之载於方策者何曾有此一语！巢氏《病源》，遵崔文行解散法，一曰用摩膏火灸，二曰针灸解散，三曰复汗之，四曰用藜芦丸、瓜蒂散吐之，五、六曰解未了者复针之，七曰热已入胃，鸡子汤下之。遂使庞安常自撰微言，一以和解为主，奉为灵宝，少移则蹶。巢、庞比匪何极？李思训亦宗和解。王海藏称其当宋全盛，明哲莫逾，拟非其伦矣。丹溪长于温热，善用凉药，温热遇之，自能解散，要非有斟酌于其间也。东垣不善外感，长于内伤，乃从《内经》悟出冬温、春温二义，诚暗中一大炬。嘉言极口叹颂，真先得我心者矣。迨刘河间《伤寒直格》，于热病每多入理深谈，然混在正伤寒中，在人眼光采择，不免金屑杂于泥沙者欤！至明季方中行著《伤寒条辨》，可谓直登仲景之堂，独开生面，惜其论温热亦分阴分阳，似可用热，遂为嘉言所宗。嗟乎！病名温热，自需寒凉，乃千百年来盈庭聚讼，先后支吾！阳春寡和于汉庭，坝簏迭奏于晋室，良由来派不清，复无面墙体认，诚习焉而不察耳。不然，岂诸公各自名家，乃甘悖圣矩如是耶？若夫夏月暑证，即《金匱》中湿喝气蒸之病也。洁古、东垣以动静分阴阳，动而得之为阳，用白虎；静而得之为阴，用大顺、冷香诸剂。岂知夏月杲杲炎威，有阳无阴，动静不甚相远，惟多食冰果冷物，及恣意房帟，致伤太阴少阴者，热药可以暂用，岂得视温热之味为通行之药乎？漕宪北海林夫子，为一代伟人，医学宗匠，俊立雪程门，三、五年间，极蒙提命。因授所刻明计部张风遼治暑书，申明理蕴，精确不磨，虽有小疵，不掩大德，诚可振聋聩于千古者

也。至叔和云四时不正之气，感则为疫，不知非时不为厉气，仅为寒疫，而大疫之沿门阖境传染相同者，尤在兵荒之后，尸浊秽气充斥道路，人在气交，感之而病，气无所异，人病亦同，所以月令于孟春掩骼埋胔，不敢或后者，圣王早虑及此耳，非徒泽及枯骨也。后世治疫之法，未有定见。如嘉言上焦如雾，升逐解毒；中焦如沤，疏逐解毒；下焦如渎，决逐解毒，俟其营卫既通，乘势追拔，勿使潜滋暗长于未尽之时。此固不易之论。然求其反复尽义，变态直穷，老长吴又可之言，别无依傍也。俊幸生明备，不安苟且，日引光明之藏，志披榛莽之途，辑仲景《伤寒论》，三注《金匱》。补注之余，先将温、热、暑、疫四证，厘订经文，采集方论，无背圣法，有合病情，各自成帙。蒙藩宪丁夫子，因戊午年时疫盛行，悯编户之疾苦，如痼瘕之乃身，遂下询疫所自始与所为治，惻然叹曰：嗟乎！安得明此理者数十辈，循行救治，俾在火轮火树梦魇心迷者，一旦提置冰山雪窦之中，奚止饮醍醐而称快哉！命急付枣，以公同志。

康熙己未辜月，吴门周扬俊禹载识。

温热暑疫全书目录

卷一 温病方论	1
春温集补证治并方	6
附风湿	6
附冬温	7
附温疟	7
附温毒发斑	8
附医案三则	9
春温病论	9
温热病脉论	12
温病方五道	13
附集方二十九道	13
卷二 热病方论	19
夏热集补证治并方	23
总论温热死脉死证	24
附湿温	26
附阳毒发斑	27
附阴毒发斑	27
夏热病论	29
热病方四道	29
附集方一十八道	29
卷三 暑病方论	32
脉理	34
辨寒暑各异	36

暑中二阳	37
常暑	37
动暑	38
静暑	38
夹水伤暑	39
内伤夹暑	39
伏暑	39
暑风	40
暑痧	40
暑瘵	40
暑疮	41
暑痿	41
绞肠痧	41
霍乱	41
干霍乱	42
服药总法	42
李东垣暑伤胃气论	43
王宇泰复立清暑益气变证加减法	44
朱丹溪辨动静二暑	45
方古庵论	46
王安道中暑中热辨	46
附医案十三则	47
暑病论	51
暑病方二道	52
附集方二十九道	52
卷四 疫病方论	58

统论伤寒与时疫异同	65
瘟疫九传	68
但表不里	68
但里不表	68
表而再表	68
表里分传	68
再表再里	68
先表后里	69
先里后表	69
表证偏胜	69
里证偏胜	69
大头瘟	70
捻颈瘟	71
瓜瓢瘟	71
杨梅瘟	71
疔瘡瘟	72
绞肠瘟	72
软脚瘟	72
附医案十则	73
疫病论	76
附北海林先生题喻嘉言疫论序	77
附喻嘉言瘟疫论	79
疫病方一十六道	83
附集方一十六道	83
附录一 医案索引	86
附录二 医方索引	87

温热暑疫全书

卷一 温病方论

太阳病发热而渴，不恶寒者，为温病。

周注：温病由伏邪自内发出，一达于外，表里俱热；热势既壮，郁邪耗液，故发而即渴；其表本无邪郁，内方喜寒，故不恶寒。延至三、五日间，或腹满，或下利者，即此证也。与伤寒之先表后里者大异。然独系太阳，以未显他经之证，明自少阴发出为表里也。

若发汗已，身灼热者，名曰风温。风温为病，脉阴阳俱浮，自汗出，身重，多眠睡，鼻息必鼾，语言难出。若被下者，小便不利，直视失溲；若被火者，微发黄色，剧则如惊痫，时痰厥，若火熏之。一逆尚引日，再逆促命期。

方注：灼热，谓热转加甚也。风温，谓于温病有风也。阴阳俱浮，太阳本浮，而风温皆阳，故上下皆见浮也。自汗出，亦卫受伤也。身重，多眠睡，鼻息必鼾，语言难出者，风拥则气昏，热盛则气郁也。小便不利者，太阳主膀胱，而风温皆阳，下则反攻，徒亡其津液，而膀胱之气伤也。直视者，太阳之筋，支者为目上纲，故不转睛而上窜也。失溲，言小便甚失其常度也。火，灸熨之类也。微，言攻之微，则变亦微。发黄者，火热则土燥，故其色外夺也。剧，言攻之剧，则变亦剧。如惊

瘧，時瘧疾者，火盛熱極而生風也。熏，亦火劫也。一逆，言乍誤也。尚引日，言猶可俄延。再逆，言復誤也。促命期，言天枉人之天年，其致警之意深矣。

周注：此條緊承上文，云“若發汗已，身灼熱者，名曰風溫”。是仍太陽病溫，誤發其汗，與更感于風者自是不同。然亦名風溫，何也？既曰太陽，不即顯少陰證，惟誤汗，則其証本溫，復以辛熱之藥汗之，則陰津外出，表里增熱，脈必至尺寸俱浮，正以風與溫混，腎水不能獨沉。其証自汗，身重，腎本病也；多眠睡，鼻息鼾，語言難，腎本病也。始先太陽，因汗，使少陰之候同時荐至，危且殆矣。古律垂戒云：風溫治在少陰，不可發汗，發汗者死。豈知太陽亦不可發汗，發汗則亦同于風溫之少陰乎？緣醫者誤認為傷寒而用正汗藥也。若不汗而誤下者，傷膀胱之氣化，小便不利，津液大傷，直視失溲，一腑一脏，同時兩絕也。至誤被火劫者，微則熱傷營氣，而熱瘀發黃；劇則熱甚風生，而惊癇瘈瘲，蓋因亂其神明，扰其筋脈也。然則于三者之中，一逆已待斃，再犯則立危矣。喻嘉言論《內經·刺熱》論溫。首引太陽之脈色榮顴骨，榮未交，曰今且得汗，待時而已，與厥陰爭見者死。期不過三日，其熱病內連腎。少陽之脈色榮頰前，榮未交，曰今且得汗，待時而已，與少陰脈爭見者死。互言得汗，非發汗也。故聖人專論谷氣，腎中精勝乃汗則生，腎中甚虛更熱則死，其旨至矣盡矣。仲景復出不盡之藏，更視膀胱以緯之，視小便不利，則膀胱傷甚，直視失溲，命門所藏之精不能照物，神髓涸矣。瞳子高為太陽不足，戴眼為太陽已絕。已絕者，其足不可屈伸。是以中風暴病，多絕膀胱，不識人者。風溫扼要，首視膀胱，未有膀胱不絕而腎水先絕者也。

太阳与少阳合病，自下利者，与黄芩汤；若呕者，黄芩加半夏生姜汤主之。

周注：黄芩汤，治温本药也。明言太、少二阳，何不用二经药？非伤寒也。伤寒由表入里，此则自内发外。无表，何以知太、少二阳？或胁满，或头痛，或口苦引饮，因不恶寒而即热，故不得谓之表也。如伤寒合病，皆表病也。今不但无表，且有下利里证。伤寒协热利，必自传经而入，不若此之即利也。温，何以即利？外发未久，内郁已深，其人中气本虚，岂能一时尽泄于外，势必下走作利矣。

黄芩汤

黄芩三两 甘草二两(炙) 芍药二两 大枣十二枚(擘)
上四味，以水一斗，煎取三升，去滓，温服一升，日再服，夜一服。若呕者，加半夏半升，生姜三两。

黄芩加半夏生姜汤

黄芩三两 甘草二两 芍药二两 大枣十二枚(擘) 半夏半升 生姜三两

上六味，以水一斗，煮取三升，去滓，温服一升，日再服，夜一服。

周注：黄芩涤热，故为温利主药，以能泄热也。然用芍药者，性酸寒，深入阴分。一泄一收，热去而利止耳。取甘、枣者，和中也。膀胱与胆，二腑既病，胃无独安之理。至有呕，明有痰饮结聚，非姜、半不除。姜、半辛燥，非伏气所宜，而去呕则有殊功也；况以芩为君，又何畏乎！

三阳合病，脉浮大，上关上，但欲眠睡，目合则汗。

方注：太阳脉浮，阳明脉大，关上乃少阳之部位，故曰三阳合病。但欲眠睡者，热聚于胆也。目合则汗者，少阳少血，虚

则不与阳和，寐属阴，故盗汗出也。

周注：温气发出，乃至三阳皆病，其邪热混实，不言可知，故其脉浮大也。忆邪伏少阴时，则尺脉亦已大，今由内发外，由下达上，而浮大见于关以上，故曰上关上也。邪虽上见阳位，少阴之源未靖，则欲眠尚显本证，而目合则汗，即为盗汗，又显少阳本证。何以独见少阳？因母虚子亦虚，而少阴邪火与少阳相火，同升燔灼也。所以稍异热病者，但目合则汗，不似热病之大汗不止也。然何以不言太阳、阳明二经证，以浮为太阳经脉，大为阳明经脉也。治法当以小柴胡去人参、姜、半，加芍药为主。

师曰：伏气之病，以意候之。今月之内，欲有伏气。假令旧有伏气，当须脉之，若脉微弱，当喉中痛似伤，非喉痹也。病人云：实咽中痛。虽尔，今复欲下利。

周注：於伏气之时，见伏气之病，而脉得微弱，则是少阴脉也。其人肾气虚者，不及于阳，而即发于阴，以少阴脉本循喉也。故将发必咽痛，至发后则痛极似伤矣，岂可认为痹证而误治耶？然咽痛势已发于上，殊不知肾司开阖，阴热上升，岂遂尽泄？故必疾趋后阴，而下利可预知也。

少阴病二、三日，咽痛者，可与甘草汤。不差者，与桔梗汤。

周注：伏气发出少阴之经，必咽痛者，不必言矣。先与甘草汤，以缓其上升之势；更与桔梗汤，以开其怫郁之邪，亦不必言矣。但伏气为重证，少阴为至虚，仲景轻轻先试，不用黄芩本汤者，夫岂无故？以才发少阴，止见咽痛，无胸满心烦等症也，无下利呕渴等症也。欲用他药，从何入手？故二、三日间，姑就咽痛，连举二汤，使服之痛止，则少阴之邪先已去其大半，后

有证见，随之投药。此圣人明示不可妄治之道也。

甘草汤

甘草二两

上一味，以水三升，煮取一升半，去渣，温服七合，日二服。

周注：少阴之脉循喉咙，邪热客之，能无痛乎？正挟少阴之火上升也。主甘草者，甘能治热火也。

桔梗汤

桔梗一两 甘草二两

上二味，以水三升，煮取一升半，去渣，分温再服。

周注：设服前汤而不除，非药之不胜病也，正以少阴之火挟邪上攻，则并其母亦病，故加桔梗开之，而自无不愈矣。

少阴病，得之二、三日已上，心中烦，不得卧，黄连阿胶汤主之。

周注：伏邪未发，津液先已暗耗。今得之二、三日已上，虽阴火不升，未见咽痛等证，而心烦不卧，已知阴血消耗，故令芩、连祛热，胶、芍滋阴，两得之矣。

黄连阿胶汤

黄连四两 黄芩二两 芍药二两 鸡子黄二枚 阿胶三两

上五味，以水五升，先煮三物，取二升，去渣，内入胶，烊尽小冷，内鸡子黄，搅令相得，温服七合，日三服。

周注：里热当祛之，内燥须滋之。然滋之而即得其润，祛之而适涤其热，惟圣人合宜也。心烦，故主黄连，佐以黄芩，则肺胃之邪俱清。然热甚以消少阴之水，水源既燥，津液有不匮乏者乎？鸡子黄、阿胶，深益血分之味，以滋其阴，连、芩得此，

功莫大焉。况加芍药，以敛消烁之心气，兼以入肝，遂使烦者不烦，不卧者卧矣。

春温集补证治并方

凡温病发，必渴而烦扰，脉满口苦，恶热而不恶寒。明系自内发出，更无表证。虽经络不同，必先少阳，以春行风木之令也。

一法：少阳阳明合病，里证多者，承气汤。

一法：三阳合病，大柴胡汤，或双解散。

一法：若少阳经有客邪而发，脉弦，两额傍痛，寒热口苦，宜小柴胡去人参、姜、半，加栝蒌根。有呕者，但去人参。

一法：脉微紧，兼恶寒头痛，宜栀子豉汤，或益元散，加葱、豉、薄荷。热甚，凉膈散，去大黄、朴硝，加葱、豉。

一法：头痛如破，暴感外邪，宜葛根葱白汤。散邪后，用黄芩汤。

一法：脉洪大而数，外热谵语，热在三焦也，三黄石膏汤。

一法：凡应下证，下后热不去，或暂解复热，再下之。

一法：下后热不止，脉涩咽痛，胸满多汗，热伤血分也，葶苈苦酒汤吐之。

一法：里热已甚，阳邪怫郁，作战而不能汗出，虽下证未全者，宜凉膈散。

一法：腹满烦渴，脉沈实者，三承气汤选用。势剧者，合黄连解毒汤。

附风温

一法：倘温病少阴伏邪发出，更感太阳客邪，名曰风温。必阳脉浮滑，阴脉濡弱，发热，咽痛，口苦，但微恶寒者，黄芩汤，

加桂枝、石膏；或以葱、豉先撤其外，后用黄芩汤，甚则葳蕤汤加减。

一法：本太阳病，发热而渴，误发汗，身灼热者，亦名风温，脉阴阳俱浮如前证，用麻黄升麻汤，去二麻、姜、术。按误汗风温一证，仲景不出方者，以为太阳、少阴同时荐至，危于两感，去生甚远也。

附冬温

一法：冬时有非节之暖，未至而至，即为不正之气，独冬不藏精之人，肾气外泄，腠理不固，温气袭人，感之为病，此为冬温。脉必寸洪尺数，或实大，心烦呕逆，身热不恶寒，或头痛身重，面肿咳嗽，咽痛下利，与温无异，而时令不同也。宜阳旦汤，加桔梗、茯苓。

一法：若有寒食停滞，加厚朴温药一味，以温散其中，黄芩凉解其外，即仲景阴旦汤之意也。

一法：若先感温气，即被严寒遏抑，则发热而微畏寒，汗不出而烦扰，阳旦加麻黄、石膏发之。

一法：医视冬温，每有误认伤寒，辛热发汗，致令发斑成毒者，当以升麻葛根汤，加犀角、黑参，或犀角黑参汤。

一法：更有辛热发汗，徒耗津液，里热益甚，胸腹满闷，因误用下药，反发热无休止，脉来涩。此阴血受伤也。急宜葶苈苦酒汤探之，以收阴气，泄邪热。若服后热势转剧，神气昏愤，谵语错乱者，必不救也。冬温为病，亦自不一，当各随见证治之。凡冬温之毒，大便泄而谵语，脉虚小，手足冷者，皆不治也。

附温疟

一法：春时温病未愈，适复感寒忽作寒热者，温疟也。阴